

343 Gawan bôt des manegen eit,
 swaz volkes dâ vür in gereit,
 daz er des niht erkande.
 er sprach: »mîn varn hât schande,
 5 sít ich mit wârheit niht darf jehen,
 daz ich ir keinen habe gesehen
 vor disem tage an keiner stat,
 swar man mîn dienst ie gebat.«
 Der knappe sprach ze Gawan:
 10 »hêrre, sô hân ich missetân;
 ich soldez iu ê hân gesagt.
 dô was mîn bezzer sin verzagt.
 nû rihtet mîne schulde
 nâch iwer selbes hulde.
 15 ich solz iu dar nâch gerne sagen;
 lât mich mîn unvuoge ê klagen.«
 »Junchêrre, nû sagt mir, wer si sîn,
 durch iwern zuhtebären pîn.«
 »hêrre, sus heizet der vor iu vert,
 20 dem doch sîn reise ist unerwert,
 der künec Poydiconunjz,
 unt der herzoge Astor von Lanverunz.
 dâ vert ein unbescheiden lîp,
 dem minne nie gebôt dehein wîp;
 25 er treit der unvuoge kranz
 unt heizet Meljacanz.
 ez wäre wîb oder magt,
 swaz er dâ minne hât bejagt,
 die nam er gar in næten;
 30 man solt in drumbe töten.

*D: D *m: m *G: G I O L Z Fr22 (343.11–30) *T: T V

1 Initiale D I O L Z T **5** Initiale G **9** Majuskel D T **17** Initiale I · Majuskel D T **19** Initiale m · Majuskel T **21** Majuskel T

1 manegen] sînen *m (V) **5** darf] mac *m **11** soldez] solte es *m **15** dar nâch sol ich iu gerne sagen; *m **17** nû] om. *m **21** rois Poidiconunjz, *m **22** und och Astor de Laverunz, *m · unde duc Astor (de chastor G auch kastur I dvcachalster O dvr Astor L dv kastor Fr22 dvc Castor T herzoge [*]: astor V) de (der O) Lanvarunz. *G (*T) **23** ein] och ein (l[*]: och ein V) *m (V)